



De STHB

(Stadt Heimatbund Münster e. V.)

is för alls dao, wat met mönsterske Heimatkultur to doon hät. He bütt siene 35 Vereine Hölpe bi Heimatplüage, Heimatfüörskung un Präsentation van iähr Doon.

He möch daoto bidriägen, dat Mönster sienen Patt wiedergeiht äs Stadt van Wiëttenschop un Liäwensard.

He arbeitet daoför, dat Mönster in en Europa, wat ümmer mähr bineenwäss, Mönster bliff: de schöne Stadt in de Mitte van de hele Region, de Stadt, in de to liäwen sick lauhnt un Freide mäk.

He will methelpen, dat all dat Guede, wat düör 1200 Jaohre in Mönster wassen is un et druogen hät, siene Kraft behöllt.

He geiht daovan uut, dat jedereen in de Büörgerschop van Mönster sick för dat Hele tostännig föhlen un engageren kann un sall; dat bedräpp besunners de Arbeit in de Vereine un in en Ährenamt. So kann dat, wat de STHB dööt un will, up breiden Grund in de Stadtgesellschaft staohn.

Uut dat graute Spektrum van STHB-Aktivitäten sallt hier drei nommt wärden:

- Mönster äs Stadt van den Westfäölsken Friäden van 1648 un äs Friädensstadt vandage wiederbringen,
- de nederdüütske Kultur in Spraoke, Literatur, Leed, Thriaoter usw. bewahren un plüagen,
- Mönsters Büörgerschop upmüntern, sick för de Stadt to engageren.

AFRIET-RIEMSELS

Christmaond 2017

Dezember 2017

Pannekoken

Wat kann dat schlechte Liäben helpen?

En Hungerlieder kümp nich wiet.

Drüm krieg de Panne, Sleif un Stölpen:

Dat Lief füördert sien Recht up Tiet.

Een Lieppel Miähl un fiew-seß Eier,

en Klöttken Buotter un'n lück Smolt

mäck Pannekoken ungeheier

van Smack un daobi duottergold.

Back em sacht kross met brune Rändkes.

Gieww grönen Slaot met Smand daobi.

Sölwst aolle Öhms un saore Täntkes

kriegt dann de Slickermulerie.

Moß up den lesten Wegg di maken,

dann pack en Pannkoken in't Pack.

Auk Petrus is för süeke Saken

un brengt di wisse unner Dack.

Kick he di unner diene Stölpen,

dann sägg he Luzifer to'm Spiet:

„Dat schlechte Liäben kann nicks helpen;

en Hungerlieder kümp nich wiet!“

Ottillie Baranowski: Nagelholt, C. J. Fahle GmbH, Münster 1982

Worterklärungen:

Sleif - Schöpflöffel

Stölpen - Topfdeckel, Deckel

Smolt - Schmalz

Slaot - Salat

sölwst - selbst

saor - dürr

Slickermulerie - Feinschmeckerei, übertragen:
Appetit auf etwas Leckeres

Spiet - Trotz, Ärger

Hungerlieder - Hungerleider

Spruch des Monats:
We sik för'n Pannkoken uutgif,
wärd äs Pannkoken behandelt.

STH B **Stadt Heimatbund Münster e.V.**

Neutor 2, 48143 Münster
Tel: 02 51 98 11 39 78

www.stadtheimatbund-muenster.de
info@stadtheimatbund-muenster.de